

王荊公唐百家詩選

二

王荊公唐百家詩選卷第五

王昌齡二十三首 李頎二十四首

戎昱十六首

王昌齡二十三首

塞上曲二首

蟬鳴空桑林八月蕭關道出塞入塞雲處處黃
蘆草從來幽并客皆向沙場老莫學遊俠兒矜
誇紫騮好

邊頭何慘慘已葬霍將軍部曲皆相弔燕南代
北聞功勲多被黜兵馬亦尋分更遣黃頭戍唯

當哭靈雲

長信愁

奉帚平明秋殿開
且將團扇共徘徊
玉顏不及寒鴛色
猶帶昭陽日影來

放歌行

南渡洛陽津
西望十二樓
明堂坐天子
月朔朝諸侯
清樂動千門
皇風被九州
慶雲從東來
決漭抱日流
昇平貴論道
文墨將何求
有詔徵草澤
微誠將獻謀
冠冕如星羅
拜揖曹與周
望塵非吾事
入賦且遲留
幸蒙國士識
因脫負薪裘

今者放歌行以慰梁甫愁但營數斗祿奉養每
豐羞願得金膏遂飛雲亦可儔

長歌行

曠野饒悲風颼颼多蒿草繫馬倚白楊誰知我
懷抱所是同袍者相逢盡衰老況登漢家陵南
望長安道上有枯樹根下有石鼠窠高皇子孫
盡千載無人過寶玉頻發掘精靈其柰何人生
須信命有酒且長歌

青樓曲

白馬金鞍從武皇旌旗十萬宿長楊樓頭小婦

鳴箏坐遙見飛塵入建章

箏篴引

盧溪郡南夜泊舟夜聞南岸羌戎謳其時月黑
猿啾啾微雨霑衣令人愁有一遷客登高樓不
言不寐彈箏篴彈作薊門桑葉秋風沙颯颯青
塚頭將軍鐵驄汗血流深入匈奴戰未休黃旗
一點兵馬收亂殺胡人積如丘瘡病驅來役邊
州仍披漠北羊羔裘顏色飢枯掩面羞眼眶淚
滴深兩眸還思本鄉食菴牛欲語不得指咽喉
或有強壯能咿嚶意說被他邊將讎五世屬蕃

漢主留碧毛氍障河曲遊橐駝五萬部落稠勑
賜飛鳳金兜鍪爲君百戰如過籌靜掃陰山無
鳥投家藏鐵券特承優黃金十斤不稱求九族
分離作楚囚深溪寂寞絃苦幽草木悲感聲颺
颺僕本東山爲國憂明光殿前論九疇廣讀兵
書盡冥搜爲君掌上施權謀洞曉山川無與儔
紫宸發詔遠懷柔搖筆飛箱如奪鉤鬼神不得
知其由憐愛蒼生比蚍蜉朔河屯兵須漸抽盡
遣降來拜御溝便令海內休戈矛何用班超定
遠侯史臣書之得已不

從軍行

向夕臨大荒朔風幹歸虜平沙萬餘里飛鳥宿
何處虜騎獵長原翩翩傍河去邊聲搖白草海
氣生黃霧百戰苦風塵十年履霜露雖投定遠
筆未坐將軍樹早知行路難悔不理章句

出塞行

白花垣上望京師黃河水流無盡時窮秋曠野
行人絕馬首東來知是誰

採蓮曲

荷葉羅裙一色裁芙蓉向臉兩邊開亂入池中

看不見聞歌始覺有人來

諸官遊招隱寺

山館人已空青蘿換風雨自從永明世月向龍
宮吐鑿井長幽泉白雲今如古應真坐松栢錫
杖掛牕戶口云七十餘能救諸有苦回指嵒樹
花如聞道場鼓金色身壞滅真如性無主僚友
同一心清光遣誰取

沙花南渡頭

秋霧連雲白歸心浦激懸津人空守纜村館復
臨川峯隔蒼茫雨波通演漾田孤舟未得濟入

夢在何年

鄭縣宿陶大公館贈馮六

儒有輕王侯脫略當世務本家藍溪中非爲漁
弋故無何困躬耕且欲馳永路幽居與君近出
谷同所驚昨日辭石門五年變秋露雲龍未相
感干謁亦已屢子爲黃綬羈余忝蓬山顧京門
望西岳百里見郊樹飛雨祠上來靄然關中暮
驅車鄭城宿秉燭論往素山月出華陰開此河
渚霧清光比故人豁達展心晤馮公尚戢翼元
子仍跼步拂衣易爲高論迹難有趣張范善始

終吾等豈不慕罷酒當涼風屈伸備冥數

和振上人秋夜懷士會

白露傷草木山風吹夜寒遙林夢親友高興發
雲端一作端郭外秋聲急城邊月色殘瑤琴多遠思
更爲客中彈

寄穆侍御出幽州

一從恩譴度瀟湘江北江南萬里長莫道薊門
書信少鴈飛猶得到衡陽

灞上閑居

鴻都有歸客偃卧滋陽村軒冕無枉顧清川照

我門空林網夕陽寒鳥赴荒園廓落時得意懷
哉莫與言庭前有孤鶴欲啄常翩翩爲我銜素
書弔彼顏與原二君旣不朽所以慰其冤

初日

初日淨金閨先照牀前暖斜光入羅幕稍稍親
絲管雲髮不能梳楊花更吹滿

採蓮

越女作桂舟還將桂爲楫湖上水渺漫清江初
可涉摘取芙蓉花莫摘芙蓉葉將歸問夫壻顏
色何如妾

出塞

秦時明月漢時關
萬里長征人未還
但使盧城飛將在不教胡馬度陰山

同李四倉曹宅夜飲

霜天留飲故情歡
銀燭金爐夜不寒
欲問吳江別來處
青山明月夢中看

送十四兵曹

縣職如長纓
終日檢我身
平明趨郡府
不得展故人
故人念江湖
富貴如埃塵
迹在戎府掾
心遊天台春
獨立浦邊鶴
白雲長相親
南風忽至

唐詩五
吳分散還入秦寒夜天光白海靜月色真對坐
論歲暮絃歌起無因平生馳驅分非謂杯酒仁
出處兩不合忠貞何由申看君孤舟去且欲歌
垂綸

別李浦之京

故園今在灞陵西江畔逢君醉不迷小弟鄰莊
尚漁獵一封書寄數行啼

閨怨

閨中少婦不曾愁春日凝粧上翠樓忽見陌頭
楊柳色悔教夫婿覓封侯

李傾二十四首

宋少府東溪泛舟

登岸還入舟水禽驚笑語晚葉低衆色濕雲滯
繁暑落日乘醉歸溪流復幾許

粲公院各賦一物得初荷

微風和衆草大葉長圓陰晴露珠垂合夕陽花
影深從來不著水清淨本因心

題璿公山池

遠公遁跡廬山岑開山幽居祇樹林片石孤峯
窺色相清池白月點禪心指揮如意天花落坐

卧閑房春草深此外俗塵都不染唯餘玄度得
相尋

題盧五舊居

物在人亡無見期閑庭繫馬不勝悲窻前綠竹
生空地門外青山如舊時悵望秋天鳴墜葉巔
岼枯柳宿寒鷗憶君淚落東流水歲歲花開知
爲誰

二妃廟送裴侍御使桂陽

沅上秋草色蒼蒼堯女祠無人見精鬼萬古寒
猿悲桂水身歿後椒漿伸降時回雲迎赤豹飈

雨驟文螭受命出炎海焚香徵楚詞乘驄感浩
跡一弔清川湄

欲之新鄉荅崔顥綦母潛

數年作史家屢空雖道黑頭成老翁男兒在世
無產業行子出門如轉蓬吾屬交歡此何夕南
家擣衣動歸客銅爐將炙相歡飲星宿縱橫露
華白寒風卷葉度滹沱飛雪覆地悲峨峨孤城
日落見棲鳥馬上時聞漁者歌明朝東路把君
手臘日辭君期歲首自知寂寞無去思敢望縣
人致牛酒

李兵曹壁畫山水各賦得桂水帆

片帆在桂水落日天涯時飛鳥看共度閑雲相
與遲長波無曉夜泛泛欲何之

王母歌

武皇齋戒承華殿端拱須臾王母見霓旌照耀
騏驎車羽蓋淋漓孔雀扇手指玄梨遣帝食可
以長生臨寓縣頭上復戴九星冠摠領玉童坐
南面欲聞要言今告汝帝乃焚香請此語若能
鍊魄去三尸後當見我天皇所顧謂侍女董雙
成酒闌可奏雲和笙紅霞白日儼不動七龍五